

Aen Doxdax Majlahsungh Nanz-ningz Bi 2023 Dwkcungq Hainduj

2023 年南宁马拉松比赛鸣枪开跑

12 nyied 3 hauh, gaiq daihcibhaj aen doxdax majlahsungh Nanzningz caeuq gaiq daihsameib bet ngoenz gaijfang Nanzningz aen hozdung buetbae youq aen Gvangjangz Minzcuz Nanzningz Si dwkcungq hainduj. Gaiq doxdax neix miz haj aen hanghmoeg: Majlahsungh (42.195 goengleix)、majlahsungh buet byongh (21.0975 goengleix)、buet 10 goengleix、buet 4 goengleix、byaij 2 goengleix lienhdang.

Miz saek 3 fanh vunz dai daengx seiqgyaiq gak dieg daeuj gizneix camgya doxdax. Gyoengqde hoenh buet hoenh daejniemh gij gingjsaek gyaundeir Nanzningz.

(Yi Sienghceenz/喻湘泉)

► Vunzlai angqyangz camgya majlahsungh.



▲ Yienhciegz vienjheiq.

Aen Hoih Fatbough Sinhvwnz Cit Heiq Minzcuz 《Liuj Liujcough》Youq Liujcough Haiguh

民族歌剧《柳柳州》新闻发布会在柳州召开

Bonjbauq siusik (gicej Vangz Yinz/黄云) Cingq daengz Liuj Cunghyenz boux canghraiz maenh'ak Dangzciuz neix gvaqsei 1204 hopbi, 11 nyied 28 hauh, aen cuj cit heiq minzcuz 《Liuj Liujcough》bae daengz Aen Gunghyenz Liujhouz Liujcough Si hai aen hoih fatbough sinhvwnz. Doengh boux canghheiq cawjdaez cungj daeuj caez, gyoengqde gegangj vihmaz guh cit heiq neix, lwnh cit de miz maz daegsaek, caemhcai fatbough 《Ep Siet》diuz fwen cawjdaez neix.

Cit heiq 《Liuj Liujcough》lwnh gij goj Liuj Cunghyenz youq Liujcough guh seiq bi cisij, de dauq coih vwnzmiuh, cienzboq cihsiz Ranzyuz, son'gyauq gamjvaq vunzlai, gaijfang lauxbaeh, ndaem gomakgam goliux, haifwz vat cingj, guh swnghcanj. Seizneix, gyoengqvunz cingq cugdi bienbaiz heiq.

Cenzcough Guh Aen Hozdung Saekhoengz Byaijroen Geiqniemh Ciengzciengq Dahsienghgyangh 89 Hopbi

全州举行纪念湘江战役89周年红色毅行活动

12 nyied 1 hauh, saek cien boux ganbu vunzlai Gveilinz Si Cenzcough Yen doxcomz Sausuij Cin Sokruz Dabingz guh aen hozdung saekhoengz, byaijroen geiqniemh Hungzginh Cangzcwngh Ciengzciengq Dahsienghgyangh 89 hopbi. Gyoengqvunz aeu neix geiqniemh senhleiz

caeuq lizsij, aeu hengzdoengh saedguh “yungn ndei yungn lix swhyenz saekhoengz” gij daengqdaek Siz Ginbingz cungjsuhgi, youq aen hozdung byaijroen muzlienhi eiqceiq, cienziep cingsaenz cangzcwngh.

(Dangz Gvangjdungh/唐广东)

Cunghsanh Mbanjsahbingz Guh Ciet Cauzdaz

钟山沙坪村举办朝踏节

Mboengqneix, Cunghsanh Yen Liengjanh Yauzcuzyangh Mbanjsahbingz guh ciet cauzdaz. Vunzmbanj ciengq fwen monzlai, diuq foux gyongraez gokyienz, aeu fuengsik daegbied coux bouxhek. Cawzok vwnzyi biujyienj, lij miz cimz youzcuz、ciengj haeuxfaengx、ciengj gyauejmou daengj hozdung. Gyoengq hekyouz lij caeuq vunzmbanj yien fwngz diuq foux gaem gyong、diuq samdangz,

daejniemh yienghndei minzcuz. Ciet cauzdaz dwg aen ciet vunzlai dieg de aeu ma caeq goengcoj Buenzvuengz, langhbaiz gij vwnzva caeuq sibsug cienzdoengj vunzlai Yauzcuz, coicaenh vwnzva doxgyau, henhoh caeuq cienziep vwnzva deihfueng.

(Vuz Yaujfangh/吴晓芳 Vangz Yingz/黄莹 Giuh Cunghloz/邱忠乐 Dangz Vaz/唐华 Cau Cinh/赵真)

► Ciet cauzdaz biujyienj lai cungj vwnzyi cez-muz.

